



| | |
|---|---------------|
|  <small>BIBLIOTHECA UNIVERSITATIS CRACOVENSIS</small> | 589394 |
| Mag. St. Cr | III |



Steel 5182

C A R M E N

V O T I V V M,

IN SOLENNI GRATIARVM ACTIONE,
DEO Ter Optimo Maximo, 3044

Ob Sacros nuper honores,
Missæ, Officij, & Festi sub ritu duplici,
per totum Regnum Poloniæ celebrandi,

EXIMIO SERVO DEI

B. I O A N N I

C A N T I O,

Regni Poloniæ, & Vniuers: Crac: Patro. o,

A

SANCTISS: DOMINO NOSTRO,

J N N O C E N T I O X I.

P O N T I F I C E M A X I M O,

Ad intercessionem Serenissimi, & Inuictissimi Principis,

J O A N N I S I I I,

P O L O N I Æ R E G I S

C O N C E S S O S,

A Generali Studio Vniuersitatis Crac: in Ecclesia Collegiata

Dna ANNÆ

I N S T I T V T A,

Per

M. STANISLAVM IOSEPHVM BIEZANOWSKI Leopol: in eadem Alma Vniuersitate:
Philosoph: Doct: Collegam Minorem, Ordinarium Pöescos Professore,
denotæ latitiæ applausu luci publicæ

C O N S E C R A T V M.

Anno Salutis 1680. die 14. Mensis Nouembris.

CRACOVIAE, TYPIS VNIERSITATIS.

J. XIX 342



CARMEN

VOTIVVM.



Xpectata dies, solennibus orta triumphis,
Venit ab arcana serie, rerumq; profundo,
Iudicijs Diuina suis, quod clausit abyssus.

Diffluimus, rapimurq; animo, cordisq; medulla

Non capit hoc breuiore sinu; quod nectaris ingens
Copia, totq; annis vrget congesta voluptas.

Nempè simul veniunt, gemini compendia scèli,

Ad plausus dedueta nouos; vnoq; triumphant

Tot gemitus, tot vota die. stupet ipsa seipsam

Tot simul augmentis, & tantâ mole bonorum

Dulcè grauata dies. o flos, & gemma dierum!

In tua diffusi solatia, mille coronis,

Milleq; purpureis te cingimus vndiq; nimbis;

Totaq; gemmarum Te grando, totus ab Indis

Aurifluo torrente latex, & fluctus inundat.

Eloquar, an fileam? nam vocem gaudia tollunt,

Cor cytharam, linguamq; rapit. sed rumpere fas sit,

Lætitiæ dulces aditus, & dicere Io.

Io tryumphe! DEVS nobis hæc gaudia fecit;

CANTIVS vt sacris qui nuper honoribus auctus,

Dona triumphalis retulit solennia festi,

Sarmatico tandem celebratus in orbe triumphet.

Hoc agimus, cadimusq; tui Rex Maxime Regum,

Ante Aras Templi, Maiestatisq; tremendo

Affusi solio, quot viscera, quotq; medullas.

Pectoris, & caræ trahimus spiracula vitæ;

In de-

BIBLIOTHECA
VNI. MAGELL.
BRACOVENSIS

588394

III

In deuota Tibi suspiria, lætaq; cordis
 Barbata, festiuosq; sacræ testudinis hymnos,
 Supplicibus votis, & totâ mente dicamus.
 Tu bonitas immensa DEVS, Tu dulcis abyssus,
 Rerum summus apex, & non effabile Numen,
 Tu merus, atq; stupendus amor, mirabile dextrâ
 Hoc opus, vt fecisse Tuâ, nutuq; probares
 Æterno; seruata diu, nunc tempora nobis,
 Ordine, quem capiat sapientia nulla, dedisti.
 CANTIVS ille Tuus, niuei purissima cordis
 Lilia, purus olor, vitæ florentibus annis,
 Qui Tibi seruauit, canæ niubusq; senectæ;
 Innocui nunc est seruatus nominis à Te
 Pontifici Summo; quo se nunc maximus Orbis
 Christiadûm tollit; pietas quo Præsule sacrum
 Illibata caput, cælorum nubibus infert.
 Hæc manus illa fuit, rebus dignissima tantis;
 Quâ Tibi, Summe DEVS, decreti nuper honoris
 Imposuisse stolam placuit, candoris eburni
 Palladis electo, Lechica de stirpe Patrono;
 Cum petit augustis precibus, zeloq; calenti
 Magnus Hyperborei populi, sceptriq; Monarcha,
 Gratia pro Divo suspirans ipsa IOANNE,
 Rex Patriæ inuictum columen, Scutûq; IOANNES.
 Gratia delegit, sic grati Principis omen,
 Sangnine qui patrio lectus, de sanguiae nostro
 Promeruit Diuos. Sic Purpura Sacra VIDONI
 Principis, hoc vrgebat opus, quod in Arctica quondâ
 Regna superueniens, Romanæ Sedis ab axe
 Legatus, seuasq; vices, Martemq; cruentum
 Viderat heu! animo multum super illa dolente,
 Quæ tulerat belli facies; solatia tandem
 Nunc recipit, gaudetq; Virum de gente Polona,
 Ferre triumphalem Diuorum more coronam.
 Nec RADIPELLANÆ poterat felicius vnquam
 Euenisse decus Mitræ, rebusq; secundis;
 Quam cordi Patriæ, folio, Regniq; coronæ,

Inseruisse nouam Diuino munere gemmam.
 Hæc tua sunt, o Alme DEVS! quæ ponimus inter
 Cœlestes operum titulos, & prospera rerum;
 Pro quibus in sacris opobalsama fundimus Aris;
 Lampade corda simul flammanti, thusq; Sabæum
 Vrentes; vt grata tibi sit victima nostra,
 Floreq; Virgineo gratus qui pascitur Agnus;
 Liligeris manibus, quem Præsul OBORSCIVS, offert,
 Continuans, quod cœpit opus. lætissimus ipse,
 Propitius votis quod iam respondeat æther;
 Sudatosq; diu quod iam properare labores,
 Ad metam videat cælo plaudente beatam.
 Ergò agite o animi! totis præcordia fibris
 Pandite; dilatate sinus. vox publica cœlos
 Intret, & Angelicis resonet permista choreis.
 CANTIVS ad numeros veniat, totumq; fatiget
 Mentis ebur, festiua tenens cum nectare plectra;
 Quod iam per populos, trabæ per Regna Polonæ
 Divus eat, ritusq; sacros, & festa beatis
 Plausibus insignita ferat. quod Filia Rægum
 Diua IAGELLONVM Pallas, Materq; togati
 Doctorum Populi, tanta cum prole triumphet.
 Ante Tuos Cineres, & sacri busta sepulchri,
 Acclines sed cum prosternimur, atq; repansas
 Tollimus in cœlum dextras, Pater Optime CANTI!
 Quicquid habent hilares animæ dulcoris ab ipso
 Fonte DEO, quicquid suauissima gaudia possunt;
 Principio Tu redde suo, totumq; refunde
 Rursus in immensam Summæ Deitatis abyssum.
 Sedis Apostolicæ, per Te suprema potestas,
 Principis, & Regni vitrix fortuna, salusq;
 Pallas, & Vrbs Craci, Regalibus inelyta sceptris
 Floreat æternum. Lechico sic CANTIVS Orbi,
 Cantio dulcis eris, victoria, vita, triumphus.

BIBLIOTHECA
 VNIV. IAGELL.
 CRACOVENSIS



293044
 DUBLIN
 LIB. JER.

